

PROIEKTU INDEPENDENTISTAREN ZILEGITASUNA ZALANTZAN JARTZEA ONARTEZINTZAT JO DU ARNALDO OTEGIK

Gatazkaren ukapenari eta errepresioari eustea ahuleziaren seinale dela dio EHk

■ Frantziak eta Espainiak aspalditik euskal politika nazionalaren kontrako dinamika dutela nabarmendu du Otegi

■ Euskal Herriak «erantzuteko gaitasuna eta beste eszenatoki batera joateko determinazioa» duela ziurtatu du EHk

■ Euskal herritarren etorkizuna antolatzea beraiei dagokiela onartzeko eskatu die EHk Frantziari eta Espainiari

Pello Urzelai / Donostia

EUSKAL HERRITARROK taldeak Jacques Chirac Frantziako estatuburuak eta Jose Maria Aznar Espainiako gobernuburuak euskal auziari buruz erakutsitako jarrera kritikatu zuen atzo. EHren ustez, urtebete iragan ondoren, bi agintariek euskal gatazkari buruz egin duten planteamendua «gutziz era defentsiboan» egin dute, «beren ahulezia politikoa agerian utziz». Izan ere, Aznarrek eta Chiracek, Arnaldo Otegi EHko bozeramaileak nabarmendu zuenez, «bi errezeta» baino ez dituzte eskaini: «ETA suntsitzea, ETA desagertaraztea zapalkuntzaren bitartez, eta gatazka politikoa ukatzea, Euskal Herrian arazo terroristarista baino ez dagoela esanez».

Gatazka badagoela ez onartzea eta «arazo tekniko gisa» aurkeztea ironiaz kritikatu zuen Otegi: «Ulertu beharko dugu azken 150 urte hauetan espainiarrek eta frantziarrek oso teknikari txarrak izan dituztela, arazo tekniko bat gaingintzeko gaitasunik izan ez dutelako».

Aznarren eta Chiracen adierazpenak kezkatu eta larritzekoak direla uste du EHk, «nonbait ahulezia politikoko hori gaingintzeko duten tresna bakarra zapalkuntza delako». Espainiako eta Frantziako gobernuek bide horretik segituz gero, «hemendik aurrera ere daukaten erreze-ta bakarra izango da, errepresioa, tortura, erailketa, atxilotetak...». Gatazka ez onartzeak eta errepresioa iragartzeak gatazka elikatzea baino ez du egiten, Otegiaren ustez. EH elikatze horren kontra dagoela gaineratu zuen Otegi.

Espainia eta Frantziaren jarrera horren aurrean Euskal Herrian erantzuteko dagoen gaitasuna nabarmendu zuen EHko bozeramaileak.



Juan Jose Petrikorena eta Arnaldo Otegi, EHren izenean, atzo Donostian eskaini zuten prentsaurrekoan.

«Euskal Herriak badaki horiei erantzuten, eta determinazio politikoa badu herri hau betiko beste eszenatoki batean jartzeko, subiranotasunean eta lurraldetasunean kokatuta», adierazi zuen Otegi. Horrez gain, Frantziako presidentek proiektu independentistaren zilegitasuna zalantzan jarri izana salatu zuen EHko bozeramaileak. «Euskal inde-

pendentistek entzun behar dugu proiektu independentista ez dela zilegi, eta nork ukatuko zilegitasuna, eta herri hau zapaltzen dutenak».

Chirac eta Aznar agintarien jarrerak, EHren ustez, erakusten du ez daukatela konfiantzarik beren posizio politikoetan, «jakin badakitelako eztabaida libre eta demokratiko batean beraien posizio

politikoak guztiz joko kanpo daudela». Azkenik, EHk dei egin zien Espainiako eta Frantziako gobernuei «erabaki garrantzitsua» hartzeko, hau da, «euskaldunok gure etorkizuna libre eta demokratikoki antolatzeko eskubidea badugula ulertzeko eta beraiek egin behar duten gauza bakarra hori errespetatzea dela».

«Espainia handiaren aurrean Frantzia handiaren hitzaldia» egitea egotzi dio EAJk Chiraci

Pello Urzelai / Donostia

Jacques Chirac Espainiako Kongresuan izan zen atzo, egunotan Espainian barna egiten ari den bisitaren baitan. Bertan Espainia eta Frantziaren arteko harreman ona goraipatu zuen behin eta berriro, eta «terrorismoaren kontrako elkarlan polizial eta judiziala erdugarria» dela adierazi zuen. EAJko eta IUko diputatuak ez zuten txalotu Chiracen hitzaldia. Joxe Joan G. Txabarri diputatu jeltzaleak «Espainia handiaren aurrean Frantzia handiaren hitzaldia» egitea egotzi zion Chiraci, EGUNKARIARI eginiko adierazpenetan. «Horrela koetan jaten gaituzte», gehitu zuen. Testu idatzian «terrorisme basque» jarrita egon arren, irakurtzean «basque» hitza ez zuela esan adierazi zuen Txabarrik. Halaber, hizkuntzak aipatzean irakuskuntza «ezarri» egin behar dela esatea salatu zuen.

Mayor: «Frantzia eta Espainiaren arteko harremana lehen oraingoa izan balitz, ez genuen jasango jasan dugun ETA»

Agentziak / Madril

JAIME MAYOR OREJA Espainiako Barne ministroak Jacques Chirac Frantziako lehendakariaren bisita izan zuen hizpide. Egun bi estatuetako agintarien arteko harreman ona dela azaldu zuen, eta bide hori indartzea «bakea lortzeko bermea»

dela. Hala eta guztiz ere, iraganari ere begiratu zion, eta esan zuenez, «Espainia eta Frantziaren arteko harremana orain bezala pitzadurarik gabea izan balitz, ez genuen ezagutuko ezagutu dugun ETAREN terrorismoa eta ez genuen jasango jasan dugun bezala».

Josep Pique Espainiako Gobernuako bozeramaileak ere Frantzia eta Espainiaren arteko harremana izan zuen hizpide atzo. Hala, elkarlana erabatekoa dela azpimarratu zuen Josep Pique ministroak, eta «eraginkortasun polizialaren beste erakustaldi batzuk» izango direla ira-

garri zuen. Josep Pique ministro bozeramailearen aburuz, azkenaldian eginiko operazioek honako hau adierazten dute: «Funtsezkoa den zerbait azaltzen dute, alegia, Zuzenbide Estatua ez dagoela su-etenean, ez Frantzian eta ez Espainian».